

宋元明文讀本

歷代文讀本第二種

下冊

評註
宋元明文讀本

上海大東書局出版

評註 宋元明文讀本 下冊

傳狀

洪渥傳

宋曾鞏

著久而有味四字便見其人非淺交所能知也
數語爲下文伏線

其孥以下數句極沉

洪渥。撫州臨川人。爲人和平。與人游。初不甚歡。久而有味。家貧。以進士從鄉舉。有能賦名。初進於有司。進輒黜。久之乃得官。官不馳騁。又久不進。卒監黃州麻城之茶場。以死死不能歸葬。亦不能返。其孥里中人聞渥死。無賢愚皆恨失之。予少與渥相識。而不深知其爲人。渥死。迺聞有兄年七十餘。渥得官時兄已老。不可與俱行。渥至官。量口用俸。掇其餘以歸。買田百畝。居其兄。復去而之官。則心安焉。渥既死。兄無子。數使人至麻城。撫其孥。欲返之。而居以其

鬱頓挫
寫渥之兄
即是寫渥
為對面烘
托法

行莫難於
中庸末段
為好高務
奇者下一
鍼砭

田其孥蓋弱力不能自致其兄益已老矣無可奈何則念輒悲之
其經營之猶不已忘其老也渥兄弟如此無愧矣渥平居不可任
以事及至赴人之急早夜不少懈其與人真有恩者也予觀古今
豪傑士傳論人行義不列於史者往往務摭奇以動俗亦或事高
而不可為繼或伸一人之善而誣天下以不及雖歸之輔教警世
然考之中庸或過矣如渥之所存蓋人人之所易到故載之云

音註 ①【撫州臨川】臨川縣，宋屬撫州，今隸江西豫章道，②【官不馳騁】騁音逞，謂

官階留滯不遷也，③【黃州麻城】麻城縣，舊屬黃州，今隸湖北江漢道，④【茶場】製

茶之所，〔宋史食貨志〕權茶之制，在淮南則斬黃廬舒光壽六州，官自為場，置吏總之，

⑤【孥】子也，⑥【量口用俸】就俸所入，量人口以節用，故有餘，⑦【掇】取也，⑧

【平居不可任以事】言其粥粥者無能也，⑨【摭】之石切，拾也，⑩【中庸】不偏之謂

曰隱人曰
慕豪俠已
定一篇間
架
看似絃方
山子來歷
不知正寫
隱字
姓名趁此
點出
俯仰二句
嘲笑答由
自取神情
畢露

中，不易之謂庸，爲道德之最正當者。

方山子傳

陳慥，字季常，眉州青神人也，號方山子，寓居黃岡，以山水自娛，初與子瞻同學道於張易簡，及子瞻謫居黃州，時與往來唱酬。

宋 蘇 軾

方山子。光黃間隱人也。少時慕朱家、郭解，爲人閭里之俠，皆宗之。稍壯，折節讀書，欲以此馳騁當世，然終不遇。晚乃遜於光黃間，曰岐亭。庵居蔬食，不與世相聞。棄車馬，毀冠服，徒步往來山中，人莫識也。見其所著帽，方聳而高，曰：此豈古方山冠之遺像乎？因謂之方山子。余謫居於黃，過岐亭，適見焉，曰：嗚呼！此吾故人陳慥季常也。何爲而在此？方山子亦矍然，問余所以至此者。余告之故，俯而不答，仰而笑，呼余宿其家，環堵蕭然，而妻子奴婢皆有自得之意。

獨念以下一段追敘前事使少慕豪俠及吾故人等伏筆一齊發現此文章之善於取勢也豈無得與上自得二字叫應惟隱人能識異人不獨起結互應亦覺逸趣橫生

余既聳然異之^{十三}獨念方山子少時^{十四}使酒好劍用財如糞土前十有九年余在岐山^{十五}見方山子從兩騎挾二矢游西山鵲起於前使騎逐而射之不獲方山子怒馬獨出一發得之因與余馬上論用兵及古今成敗自謂一世豪士今幾日耳精悍之色猶見於眉間而豈山中之人哉然方山子世有勳閥當得官使從事於其間今已顯聞而其家在洛陽園宅壯麗與公侯等河北有田歲得帛千匹亦足以富樂皆弃不取獨來窮山中此豈無得而然哉余聞光黃間多異人往往陽狂垢汗不可得而見方山子儻見之歟^{十八}

音註

①【光黃】光今河南潢川縣，黃今湖北黃岡縣，②【朱家】漢初魯人，大俠也，曾

脫季布之厄，③【郭解】漢軹人，字翁伯，為人仗義不伐，往往以德報怨，人爭慕附之，

④【折節】屈己禮賢也，⑤【馳聘】橫行之意，⑥【庵】草舍也，⑦【食】音寺，⑧

殺其家世
及戰績線
索已貫至
東宮知其
名句
下此五字
便伏所以
見嫉之故
竭力推崇
一筆愈見

【聳】音悚、高起也、⑨【方山冠】漢制似進賢冠、以五采帨爲之、四時祠宗廟、樂人舞

僭服之、⑩【譴居於黃】軾知湖州時、御史符亶等、誣軾所爲詩爲謗上、繫獄、尋貶爲

黃州團練副使、⑪【矍然】矍、厥縛切、驚顧貌、⑫【環堵】堵、垣也、一丈爲板、五板爲

堵、⑬【聳然】警動貌、⑭【使酒】〔漢書蓋寬饒傳〕爲人剛直使酒、〔注〕使酒、因

酒而使氣也、⑮【岐山】山在陝西岐山縣北、⑯【勳閥】勳臣之家、閥音伐、書功狀以

榜於門左也、⑰【洛陽】今河南洛陽縣、⑱【儻】同倘、

姚平仲小傳

宋陸游

姚平仲字希晏。世爲西陲大將。幼孤。從父古養爲子。年十八。與夏
人戰。臧底河。斬獲甚衆。賊莫能枝梧。宣撫使童貫召與語。平仲負
氣不少屈。貫不悅。抑其賞。然關中豪傑皆推之。號小太尉。睦州盜
起。徽宗遣貫討賊。貫雖惡平仲。心服其沈勇。復取以行。及賊平。平
仲功冠軍。乃見貫。曰。平仲不願得賞。願一見上耳。貫愈忌之。他將

貫之抑賞
為不公
不許其見
上者乃暗
敍貫以小
人之腹度
君子之心
恐其陷已
也
敍其連破
兩寨非無
功也特未
擒虜帥耳
入山惟恐
不深極寫
負氣
補筆

王淵劉光世皆得召見平仲獨不與欽宗在東宮知其名及即位
十四金人入寇都城受圍平仲適在京師得召對福寧殿厚賜金帛許
以殊賞於是平仲請出死士斫營擒虜帥以獻及出連破兩寨而
虜已夜徙去平仲功不成遂乘青驛亡命一晝夜馳七百五十里
抵鄧州始得食入武關至長安欲隱華山顧以為淺奔蜀至青城
山上清宮人莫識也留一日復入大面山行二百七十餘里度采
藥莫能至乃解縱所乘驛得石穴以居朝廷數下詔物色求之弗
得也乾道淳熙之間始出至丈人觀道院自言如此時年八十餘
紫髯鬱然長數尺而奕奕有光行不擇崖塹荆棘其速若奔馬亦
時為人作草書頗奇偉然祕不言得道之由云

音註

○【世爲西陲大將】國之邊境曰陲，〔按〕宋姚兪及弟麟，與其二子雄、古，皆主兵於西邊，立戰功，稱名將，故云，②【從父古養爲子】從父，叔父也，〔宋史姚古傳〕古時爲熙河經略，與种師道等勸兵勤王，師道與古子平仲，先率兵入衛，〔按〕此言古子平仲，是養子也，③【夏人】宋初，李繼遷降契丹，爲夏州節度使，及仁宗朝，繼遷孫元昊始稱帝，國號大夏，④【臧底河】其地有城，宋時屬夏，⑤【枝梧】猶言支持，⑥【宣撫使】官名，不當置，有軍旅大事，則命執政大臣爲之，⑦【童貫】字道輔，開封人，徽宗時，給事宮掖，蔡京入相，用兵青唐，貫出監軍，平方臘有功，進太師，旋以罪誅，⑧【關中】指陝西省言，東函谷，南武關，西散關，北蕭關，居四關之中，故曰關中，⑨【小太尉】時平仲從其父在軍中，故稱小太尉，⑩【睦州盜】睦州，今浙江淳安縣，盜，指方臘作亂言，⑪【王淵】字幾道，熙州人，累官御營司都統制，宋史有傳，⑫【劉光世】字平叔，保安軍人，討河北賊有功，授奉國軍承宣使，宋史有傳，⑬【在東宮】爲太子詩也，⑭【金人入寇】宋徽宗時，女真阿骨打始稱帝，國號金，入寇事在欽宗靖康元年，⑮【福寧殿】宋宮殿名，⑯【虜帥】謂金之韓離不，⑰【亡命】言背其名籍而逃亡也，⑱【鄧州】今河南鄧縣，⑲【長安】今陝西長安縣，華山在其地，⑳【青城山】

山在蜀地、蜀即四川省、㊸【大面山】亦在四川省、㊹【度】音鐸、忖度也、㊺【物色】謂以形貌求之也、㊻【乾道淳熙】宋孝宗年號、㊼【奕奕】壯盛貌、㊽【崖塹】崖、山邊也、塹、七豔切、坑也、謂地之深陷空虛處、

烈婦胡氏傳

元王 惲

起諱書其里居重其人

短句研鍊

夾敘夾議

劉平妻胡氏。濱州渤海縣秦臺鄉田家子。至元庚午平挾胡泊二子南戍棗陽。垂至宿沙河岸。夜半有虎突來。啗平左臙。曳之而去。胡即抽刀前追。可十許步。及之。徑刺虎。割腸而出。斃焉。趣呼夫。猶生曰。可忍死去此。若他虎復來。奈何。委裝車。遂扶傷攜幼。涉水而西。黎明及季陽堡。訴於戍長趙侯。為搃藥之。軍中聚觀。哀平之不。幸。咤胡之勇烈也。信宿平以傷死。趙移其事。上聞得復。役終身。噫。胡柔懦者也。非不懼獸之殘酷。正以援夫之氣。激於衷。知有夫而。

不知有虎也。平雖死其志烈。言言方之泰山。號婦何壯毅哉。

音註

①【濱州】舊屬武定府，即今山東濱縣。②【渤海縣】元屬濱州，今改濱縣，屬山東。

③【秦臺鄉】地名，在濱縣東北二十里，相傳秦始皇東游，於此築臺望海。④【至

元】元世祖年號。⑤【洎】音忌，及也。⑥【戍棗陽】戍，守也，棗陽，今湖北縣名。

⑦【垂至】猶言將至。⑧【啞】音迭，齧也。⑨【履卦】履虎尾，不咥人，亨。⑩【左

臚】臚音猱，臂也。〔史記龜策傳〕取前足臚骨穿佩之。⑪【趣】音促，疾也。⑫【委

棄置也。〔孟子〕委而去之。⑬【裝車】載行裝之車。⑭【黎明】天將明也。⑮【堡

土築之小城。⑯【球】同救。⑰【信宿】〔左傳莊公三年〕一宿爲舍，再宿爲信。⑱

〔復役〕復，除也。〔前漢高帝紀〕七大夫以下，皆復其身及戶勿事。〔註〕復其身及一

戶之內，皆不徭役也。⑲【言言】〔詩大雅〕崇墉言言〔註〕高大也。⑳【泰山號婦】

〔禮記檀弓〕孔子過泰山側，有婦人哭於墓者而哀，使子路問之，曰，昔者吾舅死於虎，

吾夫又死焉，今吾子又死焉。〔按〕號音近寡，號婦疑爲寡婦之訛。

危孝子傳

明 宋 濂

先總提一
句

敘事簡潔

疏詞懇惻

氣息入古

所以可悲
在此

臨海孝子危貞昉字孟陽事親以孝聞其父孝先洪武辛亥進士
擢官麟游丞再遷陵川坐法謫役江浦縣貞昉時為郡學諸生聞
之奔訴於郡守欲走代之守以其名隸學籍難其行貞昉號泣於
庭曰人孰無父哉奈何獨沮於我也左右為之言獲如所請即日
上道詣京師伏闕上疏曰臣父陵川丞孝先不幸絳吏議輸作大
江之濱筋力向衰不能執事大母范春秋踰九十且念之恐染
霜露疾無以遂其菽水之忱終天之憾或及其身臣犬馬之齒方
殷願代父作勞使其歸養雖即死無恨聖天子以孝治天下惟哀
矜焉疏奏上惻然從之貞昉乃解儒衣易短製欣然就役施施無
難色然體質尪弱不勝負任之苦越七月病卒貞昉通周易兼能

末段補敘
其學問與
交友

學唐人歌詩性剛直讀古忠孝事斂衽久之且曰使貞昉生其時亦當若是爾遇交友患難蹈湯火赴援不爲利害惑卒時年二十八聞者皆悲之

音註

①【臨海】浙江縣名、舊爲台州府附郭首縣、今裁府留縣、②【洪武】明太祖年

號、③【麟游】今陝西麟游縣、④【丞】縣丞也、漢制每縣各置丞以佐令長、列代因

之、⑤【陵川】今山西陵川縣、⑥【坐法】得罪陷於法也、⑦【謫役】罰作勞工、⑧

【江浦】今江蘇江浦縣、⑨【郡學諸生】科舉時代由童生考入府學者、亦曰郡庠生、⑩

【難其行】不卽允其代行也、⑪【伏闕】拜於宮門下也、⑫【絺吏議】絺音挂、凡爲

官吏而獲罪、謂之絺吏議、⑬【輸作】服勞役也、漢時有輸作之刑、⑭【霜露疾】喻

疾之危者、⑮【菽水】〔禮記〕啜菽飲水盡其歡、⑯【終天之憾】親喪則終其身抱恨

也、〔宋庠文〕構閔終天、⑰【犬馬之齒】自稱其年齡比之犬馬、謙詞也、⑱【殷】壯

盛也、⑲【卽】就也、⑳【短製】短式之衣、作工者所服、㉑【施施】喜悅貌、㉒【庭】

烏荒切、瘠也、㉓【斂衽】斂其衣襟、肅敬之意、

筠溪翁傳

明歸有光

只此數語
而翁之品
格自見

寫交誼雖
澹澹著筆
而至性流
露耐人尋
味
此從旁面
視寫
再用追憶
前事作補
筆
人事景物
拉雜書之
而自有一

余居安亭。一日有來告云。北五六里。溪上草舍三四楹。有筠溪翁。居其間。日吟哦。數童子侍側。足未嘗出戶外。余往省之。見翁頽然。皙白。延余坐。瀹茗以進。舉架上書。悉以相贈。殆數百卷。余謝而還。久之。遂不相聞。然余逢人輒問筠溪翁所在。有見之者。皆云翁無恙。每展所與書。未嘗不思翁也。今年春。張西卿從江上來。言翁居南海浦。年已七十。神氣益清。編摩殆不去手。侍婢生子。方呱呱。西卿狀翁貌。如余十年前所見。加少亦異矣。哉。噫。余見翁時。歲暮。天風。慄。野。草。枯。黃。日。將。晡。余。循。去。徑。還。家。媪。兒。子。以。遠。客。至。具。酒。見。余。挾。書。還。則。皆。喜。一。二。年。妻。兒。皆。亡。而。翁。與。余。別。每。勞。人。問。死。

種感人處
此震川文
之最擅長
者
跌宕似子
長
末引古事
爲證以見
得道之人
不必強同
餘韻悠然

生○余○雖○不○見○翁○而○獨○念○翁○常○在○宇○宙○間○視○吾○家○之○溘○然○而○逝○者○翁
殆○如○千○歲○人○昔○東○坡○先○生○爲○方○山○子○傳○其○事○多○奇○余○以○爲○古○之○得
道○者○常○遊○行○人○間○不○必○有○異○而○人○自○不○之○見○若○筠○溪○翁○固○在○吳○淞
煙○水○間○豈○方○山○子○之○謂○哉○或○曰○筠○溪○翁○非○神○仙○家○者○流○抑○巖○處○之
高○士○歟○

音註 ①【頤然】頤音祈，長貌，〔詩齊風〕頤而長兮，②【皙】白也，③【淪】音藥、

煎茶曰瀹茗，④【編摩】謂編列其簡冊而揣摩之，⑤【呱呱】小兒啼聲，⑥【僚慄】

音聊栗，悽愴貌，⑦【媪】音懊，婦人年老者，⑧【溘】克盍切，奄忽也，⑨【吳淞】

江名，太湖支流之最大者，自湖東北流，經吳江吳縣崑山青浦松江上海嘉定，合黃浦江
入海，⑩【方山子】宋陳慥號方山子，傳見前，⑪【巖處】謂居於山中也、

韋節婦傳

明 歸有光

詳其生長
地爲贊語
伏線
拈定悲哀
下文從此
生出

極寫撫孤
之艱難

韋節婦。九江德化人。姓許氏。爲同縣韋起妻。節婦歸。韋氏八年。夫死。生子甫。八月。父母憐之。意欲令改適。然見其悲哀。終不敢言也。夫亡後。有所遺貲。復失之。貧甚。幾無以自存。而節操愈厲。尤善哭。其夫哭必極哀。蓋二十餘年。其哭如初喪之日。以故年四十而衰。髮盡白。口中無齒。如七十餘歲人。初所生八月兒。多病。死者數矣。節婦謂其姑曰。兒病如此。奈何。吾所以不死。乃以此兒。今如是。悔不從死。因仰天呼曰。天乎。不能爲韋氏。延此一息乎。兒不食。即節婦亦不食。歲歲如是。至六七歲。猶病。後乃得無恙。旣長。教之學。名曰必榮。已而爲郡學弟子員。始有廩米之養。自未入郡學。無廩米之養。非紡績不給食也。議者以爲節婦之所處。視他婦人守節者。